



ADMINISTRACIÓN LOCAL

MUNICIPAL

TORDOIA

Aprobación definitiva da ordenanza municipal nº 29, reguladora das bases para a concesión de axudas a prol da natalidade

Publicado o anuncio de aprobación inicial da modificación da Ordenanza reguladora nº 29 das bases para a CONCESION DE AXUDAS A PROL DA NATALIDADE no BOP número 174/2023 do 12 de setembro de 2023 e transcorrido o prazo de presentación de alegacións sen presentarse ningunha, enténdese aprobada definitivamente e procedese á publicación do texto íntegro do mesmo, segundo dispón o artigo 49 da Lei 7/85:

EXPOSICIÓN DE MOTIVOS

Na Comunidade Autónoma de Galicia, o decrecemento demográfico é unha realidade dende fai moitos anos. Dende que comezara o seu declive a finais do século XX, nos índices de poboación a tendencia á baixa está sempre presente.

No caso do Concello de Tordoia, nos últimos vinte anos, pasouse de unha poboación total de máis de 4.800 persoas no ano 2003, á actual, na que apenas se superan as 3.000, nacemento no que levamos deste ano 2023, apenas 7 cativos/as e no 2022, un total de 21.

Este fenómeno demográfico de despoboación progresiva, foi provocado en gran parte pola maior incorporación da muller ao mundo laboral, motivo que, sendo moi positivo, provocou unha nova forma de organización ou adaptación familiar na que é máis complicado conciliar, xa que antigamente eran solo elas as que asumían o coidado exclusivo das crianzas, prescindindo moitas veces da súa vocación, trancando o seu acceso ao mercado de traballo e ás súas expectativas laborais, dedicándose íntegramente ao coidado. Actualmente, é habitual que ambos proxenitores traballen e que o coidado sexa algo compartido por ambos.

Por outra parte, tamén é común o retraso na emancipación da mocidade debido ás dificultades actuais de búsqueda de traballo cualificado e as dificultades de acceso á vivenda, as sucesivas crisis económicas e sociais que vimos arrastrando dende o ano 2008, e que provocan gran inestabilidade e inseguridade económica.

O Concello de Tordoia é plenamente consciente desta problemática e de outras moitas que axudan a poñer trabas á hora de que as persoas decidan ter familia.

Tendo en conta que a familia é o pilar fundamental da estrutura da nosa sociedade e que a natalidade é un factor do que depende o futuro dos nosos días, o Concello intenta establecer unha medida de fomento da natalidade que axude a remover os obstáculos que impidan ou dificulten o mesmo, concedendo unha axuda económica tras o nacemento dos/as menores, que axude a paliar os custos derivados da crianza, sobre todo, na etapa inicial.

ARTIGO 1.- FUNDAMENTOS XURÍDICOS

A presente ordenanza ten o seu fundamento xurídico na seguinte normativa:

- A Constitución Española de 1978, no seu artigo 38, estipula que “os poderes públicos aseguran a protección social, económica e xurídica da familia”.
- A Lei Reguladora 7/1985, de Bases do Réxime Local, establece no seu artigo 25 que “o municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal, nos termos previstos no devandito artigo”.
- A Ley 13/2008, do 3 de decembro, de servizos sociais de Galicia, establece, no seu artigo 3, que é un obxectivo do sistema galego de servizos sociais, “garantir o apoio ás familias como marco de referencia no que se desenvolvan as persoas”.

Ademais,, no su artigo 18 dispón “as prestacións económicas orientadas a satisfacer necesidades pecuniarias valoradas dos individuos ou familias e estimular a súa incorporación social e laboral”, como unha das conformantes do Catálogo de servizos sociais.

- A Lei 3/2011, de 30 de xuño, de apoio á familia e á convivencia de Galicia, di, no seu artigo 6.2.c).1, que “se atenderá e se protexerá ás familias como núcleo fundamental da sociedade no cumprimento das súas funcións”.

No artigo 59 establece que *·"o apoio á familia ten como obxectivo proveer as axudas económicas, materiais, sociais, educativas e terapéuticas que permitan a mellora do medio familiar e a atención das necesidades do neno, nena ou adolescente para evitar a separación familiar ou procurar, no seu caso, o retorno á mesma.*

- A Lei 5/2021, de 2 de febreiro, de impulso demográfico de Galicia, dispón, no seu artigo 32 que *"A Administración autonómica garantizará o apoio económico ás familias nas que se produza un nacemento, adopción ou acollemento preadoptivo, coa finalidade de colaborar nos gastos derivados desas circunstancias mediante a concesión de prestacións e axudas familiares, que se ampliarán en función da situación económica familiar e do número de fillos e fillas, como mínimo, ata que o neno ou nena cumpla 3 anos".*

Asemesmo, a devandita Lei, no seu artigo 6, apartado d, sinala que as Administracións Públicas de Galicia desenrolarán as súas actuacións de impulso demográfico en materia de familia baixo o principio específico de equidade, e que *"as políticas de apoio ás familias asegurarán que todas elas se beneficien e teñan oportunidades para mellorar ou manter a súa situación de benestar. Darase especial atención a aquelas familias con nenos e nenas en situación de vulnerabilidade pola súa situación de exclusión social ou pobreza económica, a súa pertenza a minorías étnicas ou á súa discapacidade, ou por ser parte de outras familias de especial consideración, como son as familias monoparentais, as familias numerosas ou as familias vítimas de violencia de xénero".*

ARTIGO 2.- OBXECTO

O obxecto desta ordenanza é a regulación do réxime xurídico da concesión de axudas a prol da natalidade coa finalidade de apoiar ás familias empadroadas no Concello no nacemento, adopción ou acollemento familiar de crianzas, evitando, deste xeito, o despoboamento, coa finalidade de fixar a poboación dentro do termo municipal.

ARTIGO 3.- NATUREZA DA AXUDA

Según o artigo 22.2.c) da Lei 38/2003, de 17 de novembro, Xeral de Subvencións, as axudas que se outorguen conforme á presente ordenanza, terán natureza de subvención directa, xa que acreditan razóns de interés público, social e económico, e as propostas para a súa concesión axustaranse ao establecido no artigo 26 da lei 9/2007, do 13 de xuño, de subvencións de Galicia.

ARTIGO 4.- PERSOAS BENEFICIARIAS

Serán persoas beneficiarias das axudas reguladas nesta Ordenanza os proxenitores que teñan, adopten ou acollan un/una fillo/a dende o 16 de xuño de 2023, e que figuren como empadroadas/os no Concello de Tordoia cunha antelación mínima de un ano antes da presentación das solicitudes. Solo se poderá solicitar unha axuda por crianza, que deberá ser inscrita no padrón de habitantes do Concello de Tordoia.

Nos supostos de nulidade, separación ou divorcio dos proxenitores, será beneficiario/a o proxenitor/a que teña a custodia do/a menor e co que estea empadroado/a.

En ningún caso poderán ser beneficiarios os proxenitores privados da patria potestade dos seus fillos/as, ou se a tutela ou garda fose asumida por unha institución pública.

ARTIGO 5.- CUANTÍAS DAS AXUDAS E IMPUTACIÓN DO GASTO

5.1. - As axudas serán de pago único, cun importe máximo de 400 € por cada fillo/a nado/a, adoptado/a ou acollido/a a partir do 16 de xuño de 2023 se os dous proxenitores están empadroados no Concello. Se solo estivera un deles, a axuda será dun máximo de 200 €. En caso de familias monoparentais, a axuda será de 400 €. O importe das axudas será destinado a cubrir os gastos relacionados co coidado da/do menor. O Concello poderá comprobar de oficio que se cumpra o antedito requisito.

5.2- O Concello anualmente no seu orzamento, como requisito imprescindible, destinará a cantidade a conceder por axudas á natalidade.

5.3- A imputación do gasto realizarase con cargo a esa partida orzamentaria específica que se creará no orzamento xeral do Concello, a cuxa existencia se vinculará a aplicación desta ordenanza na medida en que debe estar previsto o crédito de maneira adecuada e suficiente para a súa efectividade.

5.4- O Concello, non obstante o disposto no apartado anterior, á vista das cifras resultantes, e previa a tramitación da correspondente modificación orzamentaria, poderá incrementar ou diminuír o importe global e, en consecuencia, a cantidade a outorgar a cada beneficiario.

ARTIGO 6.- FORMA E PRAZO DE XUSTIFICACIÓN DA AXUDA

As solicitudes das axudas reguladas na presente ordenanza, cubertas no modelo normalizado habilitado para tal fin (Anexo I), e debidamente asinadas, presentaranse no Rexistro Xeral do Concello de Tordoia. As solicitudes deberán ir acompañadas, inescusablemente da seguinte documentación (orixinal ou copia debidamente compulsada):

- Certificado de padrón e convivencia da unidade familiar, expedido polo Concello, onde figure a data de alta no padrón de habitantes.
- No caso de nacemento, certificado da inscrición no Rexistro Civil ou copia simple do libro de familia no que conste o novo nacemento.
- No caso de adopción ou acollemento familiar, copia simple do auto xudicial de adopción ou da resolución administrativa de acollemento preadoptivo.
- No caso de separación, nulidade ou divorcio, copia do convenio regulador, sentenza xudicial de nulidade, separación ou divorcio, segundo o caso.
- Fotocopia do DNI do solicitante.
- Certificación de conta bancaria onde se pretenda recibir o importe da axuda.
- Declaración de estar ao corrente coas obrigas tributarias coa Administración Tributaria Estatal, coa Administración Tributaria da Comunidade Autónoma de Galicia e coa Seguridade Social (Anexo II).
- A solicitude deberá estar asinada por ambos proxenitores, agás en casos especiais (separación, divorcio, familias monoparentais, etc...)

Se a solicitude non estivese debidamente cuberta ou non se presentase a documentación sinalada, requirirase ao interesado para que, no prazo de 10 días, emende a falta ou presente os documentos preceptivos, coa indicación de que, se así non o fixese, se entenderá que desiste da súa petición, logo da resolución que deberá ser ditada nos termos previstos pola Lei.

O Concello de Tordoia comprobará de oficio que o solicitante se atopa ao corrente coa facenda local, emitíndose a tales efectos o correspondente informe por parte da tesourería municipal.

Prazo. O prazo de presentación de solicitudes no Rexistro do Concello de Tordoia, será de 6 meses contados a partir do día seguinte do nacemento, acollida ou adopción do/da menor.

ARTIGO 7.- PROCEDEMENTO.

A) INSTRUCIÓN E ÓRGANO INSTRUCTOR

- O órgano competente para a instrución do procedemento, así como para a realización de cantas actuacións estime necesarias para a determinación, coñecemento e comprobación dos datos en virtude dos que debe pronunciarse a proposta de resolución, será a persoa responsable de asuntos sociais do Concello de Tordoia.
- O órgano Instructor elevará a proposta de concesión ao Alcalde, na que se concretará mediante informe técnico individualmente para cada beneficiario/a o resultado da avaliación realizada. Calquera dúbida de feito ou de dereito será resolta por acordo do órgano instructor. O órgano instructor poderá /será competente para resolver aqueles casos conflictivos ou dubidosos mediante informe ou ditame, nos supostos especiais que sexa necesario por falta de acreditación documental suficiente ou pola situación especial en que viva a unidade familiar.

B) RESOLUCIÓN

O prazo para resolver será de dous meses e comezará a computar dende o día seguinte á entrada da solicitude no rexistro do Concello.

Unha vez realizada a avaliación polo órgano instructor, elevarase a proposta de resolución ó Alcalde, que resolverá os expedientes dacordo co previsto nestas bases reguladoras.

No caso de que a resolución da Alcaldía sexa conforme coa solicitude do interesado, tal resolución terá carácter de resolución provisional, dándosele ao interesado un prazo de audiencia de quince días hábiles e ditándose a continuación a resolución definitiva.

No caso de que a solicitude non sexa contestada polo Concello no prazo establecido de dous meses dende a súa presentación, entenderase denegada por silencio negativo.

ARTIGO 8.- COMPATIBILIDADE CON OUTRAS AXUDAS

A axuda contemplada nas presentes bases será compatible con calquera outra axuda coa mesma finalidade que poidan obterse doutros organismos públicos.

ARTIGO 9.- FINANCIAMENTO

Pagamento.- O pagamento farase efectivo mediante transferencia bancaria no prazo de dous meses dende a data da resolución na que se outorgue a axuda.

ARTIGO 10.- DEBERES E RESPONSABILIDADES DAS PERSOAS BENEFICIARIAS

A presentación da solicitude polas persoas beneficiarias suporá a aceptación incondicional das bases establecidas na presente Ordenanza.

Calquer falsedade que se detecte, dará lugar á non concesión da axuda. O réxime xurídico do reintegro das axudas será o establecido pola Lei 38/2003, do 17 de novembro, Xeral de Subvencións e na Lei 9/2007, de Subvencións de Galicia.

DISPOSICIÓN ADICIONAL

Terase dereito á solicitude da axuda polos nacementos, adopcións ou acollementos que teñan lugar a partir do pasado día 16 de xuño de 2023 en adiante.

DISPOSICIÓN FINAL

A Presente Ordenanza, cuxa redacción inicial foi aprobada por Pleno do Concello de Tordoia en sesión celebrada na fecha 30/08/2023, entrará en vigor unha vez publicado o seu texto íntegro no Boletín Oficial da Provincia e haxa transcurrido o prazo previsto no artigo 65.2 da Ley 7/1985, de 2 de abril, Reguladora das Bases de Réxime Local, por remisión do disposto no artigo 70.2 da mesma, permanecendo en vigor ata a súa modificación ou derogación expresa.

ANEXO I. SOLICITUDE

AXUDAS ECONÓMICAS DE PAGO ÚNICO DE APOIO Á NATALIDADE POR NACEMENTO, ADOPCIÓN OU ACOLLEMENTO.

DATOS DO SOLICITANTE (PAI, NAI OU TITOR LEGAL):

APELIDOS E NOME:	DNI OU NIE:
DOMICILIO:	
CORREO ELECTRÓNICO:	
TELÉFONO MÓBIL:	TELÉFONO FIXO:

DATOS DA PERSOA CAUSANTE (MENOR):

APELIDOS E NOME:	DNI OU NIE:
DOMICILIO:	
CORREO ELECTRÓNICO:	
TELÉFONO MÓBIL:	TELÉFONO FIXO:

DATOS DO OUTRO PROXENITOR OU TITOR:

APELIDOS E NOME:	DNI OU NIE:
DOMICILIO:	
CORREO ELECTRÓNICO:	
TELÉFONO MÓBIL:	TELÉFONO FIXO:

SITUACIÓN DOS PROXENITORES:

- MATRIMONIO
 PARELLA DE FEITO
 SEPARACIÓN/ DIVORCIO
 MONOPARENTAL

CONTA BANCARIA ONDE DESEXA QUE SE INGRESE A AXUDA:

ENTIDADE:	SUCURSAL:																																			
CÓDIGO IBAN:																																				
<table border="1" style="width: 100%; border-collapse: collapse;"> <tr> <td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td><td style="width: 20px; height: 20px;"></td> </tr> </table>																																				

DECLARO BAIXO A MIÑA RESPONSABILIDADE:

1. Que son certos os datos consignados na presente solicitude e comprométome a cumprir coas obrigas previstas nesta Ordenanza.
2. Que cumpro cos requisitos establecidos no artigo 10 da Lei 9/2017, do 13 de xuño, de Subvencións de Galicia, de conformidade co disposto nos artigos 10 e 13 do Regulamento da dita lei, aprobado por Decreto 11/2009, do 8 de xaneiro, e nas bases da Ordenanza.
3. AUTORIZO expresamente ao Concello de Tordoia a recoller, en calquera momento, ante a Tesourería Xeral da Seguridade Social, a Axencia Estatal de Administración Tributaria, ante as distintas Consellerías da Comunidade Autónoma e dos departamentos do Concello, documentación precisa para o control e seguimento das axudas concedidas.
4. SOLICITO me sexa concedida a Axuda Económica de Pago Único polo nacemento/adopción do meu fillo ou filla, de conformidade co establecido nesta convocatoria.

Asinado: Nai do/a menor

Asinado. Pai do/a menor

ANEXO II. DECLARACIÓN RESPONSABLE DE ESTAR AO CORRENTE COAS OBRIGACIÓNS TRIBUTARIAS E DA SEGURIDADE SOCIAL

DON/A:
DNI OU NIE:
DOMICILIO:

DON/A:
DNI OU NIE:
DOMICILIO:

DECLARA

Acharse ao corrente no cumprimento das súas obrigacións tributarias e coa Seguridade Social, nos termos establecidos no artigo 22 do Real Decreto 887/2006, do 21 de xullo, polo que se aproba o Regulamento da lei Xeral de Subvencións. E para que así conste, para os efectos legais de poder obter a condición de persoa beneficiaria e posteriormente proceder á cobranza da axuda correspondente, asina a presente declaración.

En Tordoia, a de 20

Sinatura:

Tordoia, 19 de outubro de 2023

O Alcalde,

D. Eduardo Antonio Pereiro Liñares

2023/8299